

## Saksprotokoll i fylkesutvalet - 31.05.2018

**Sigbjørn Framnes, Frp**, sette på vegner av Frp, H og MDG fram slikt forslag A):

«Alternativ:

Prinsipp for prising

1. Årlige prisjusteringer skal skje i budsjettprosessen.
2. Prisen for reiser må ligge på et nivå som gjør det attraktivt å velje kollektivt.
3. Det skal være enkelt for kunden å kjøpe billetter, samt skjønne rabattordninger.
4. Systemet må være sikkert slik at alle som reiser kollektivt betaler.
5. Priser kan harmoniseres om tjenlig. I så fall skal dette gjøres i samsvar med den årlige justeringen, og politisk behandles.
6. Ved sammenslåing av Sogn og Fjordane og Hordaland må det legges frem sak for felles prising/samordning.»

**Sigbjørn Framnes, Frp**, sette fram slikt forslag B):

«Alternativ:

7. Det bør ikke brukes bompenger til å subsidiere kollektiv transport.
8. Det skal ikke innføres rushtidspriser.»

**Anne-Beth Njærheim, V**, sette fram slikt forslag:

«Fylkesrådmannen sitt forslag, med slike endringar (understreka):

Endring tillegg A1:

Lågare pris er ikkje det mest effektive verkemiddelet for å få fleire til å reise/, men prising av kollektivtrafikken bør optimaliserast mot å bidra til flest moglege reisande.

Endring tillegg A2:

Årlege prisjusteringar gjer det mogleg å halde oppe det generelle prisnivået slik at ein sikrar inntektene til kollektivtrafikken/, men prisauke som følgje av justering skal alltid haldes låvere enn kostnadsutviklinga ved å velja bil på tilsvarande reiser.

Nytt punkt D4:

Prisstruktur og tenester skal vere enkle og oversiktlege for å legge til rette for auka bruk av kollektiv blant turistar og tilreisande.»

**Aud Karin Oen, SV**, sette fram slikt forslag:

«Partia ser ikkje trong for å slå fast prinsippa som er skissert i saksframlegget.»

### Røysting

Njærheim sitt forslag fekk 1 røyst (V) og fall.

Framnes sitt forslag A) fekk 7 røyster (Frp/H/V/MDG) og fall.

Framnes sitt forslag B) fekk 2 røyster (Frp) og fall.

Oen sitt forslag fekk 9 røyster (SV/KrF/A/Sp/MDG) og vart vedteke som innstilling til fylkestinget.

Innstillinga fekk ingen røyster og fall.

### Innstilling til fylkestinget

Fylkestinget ser ikkje trong for å slå fast prinsippa som er skissert i saksframlegget.

